

Torneu de Ballu Sardu: in Gèsigu binchet sa còpia Santu 'Asili-Goni in s'àmbitu de Sardinia Folk Fest



Is binchidores cun su s'indigu Terenzio Schirru, Massimo Pitzalis e Carla Denule. Sa còpia Santu 'Asili-Goni s'est agiudicada su "Torneu de Ballu Sardu" chi s'est tentu in Gèsigu in occasione de s'ispetàculu musicale "Sardinia Folk Fest" promòvidu in s'àmbitu de sa de s'editzione nùmeru bintighimbe de sa "Festa de

s'emigradu" organizada dae su Comunu, dae sa Pro loco e de is Acli, cun sa collaboratzione de totu is assòtzios locales. Is campiones de ballu sardu sunt apuntu Massimo Bibiri e Maria Bonaria Schirru, chi a s'agabbu de sa longa esibizione ant conchistadu su primu prèmiu. A su segundu postu sa còpia de Gèsigu Angelo Carta e Eleonora Dessì; a su tertzu iscaleri de su pòdiu pro Sriugus Donigalla cun Albino Lai e Cinzia Desogus.

Sa giuria de espertos fiat presidida dae su mastru Andrea Puddu. Su chi est andadu in iscena in su piticu tzentru de s'arta Trexenta est istadu unu donu a is traditziones isolanas: una rassigna in manera abetada meda dae is appassionati de mùsica e ballos chi ponet a pare càntigos traditzionales, mùsica folk e esibitziones de ballu sardu cun sa partetzipatzione de balladores arribbados dae totu sa Sardinia. In sa Pratzza Padre Fausto Cuccu (ex Pratzza Mercadu) si sunt esibidos Massimo Pitzalis (cantante e istrumentista), Carla Denule e Alessandro Melis (cantantes), Matteo Casula (organetista), Andrea Pisu e Luca Schirru (polistrumentistas). "Amus presentadu a sa Federatzione Italiana Giogos e Isport Traditzionales una proposta ufitziale pro fàghere reconnòschere su ballu sardu comente disciplina isportiva comente su tango e de su valzer", narat su presidente de sa Pro loco, Carlo Carta.

<https://www.unionesarda.it/news-sardegna/provincia-cagliari/torneo-di-ballu-sardu-a-gesico-vince-la-coppia-san-basilio-goni-r6cdj8tn>